




...SIDT !!!

Sida se prenosi seksualnim kontaktom, unosom zaražene krvi i sa majke na njeno novorođenče. Vjerovatnoća da nekako drukčije pokupite ravna pronalaženju igle u plastu sijena za 20 sekundi.

Unos zaražene krvi se može dogoditi transfuzijom krvi u bolnicama (toga se ne trebate plašiti, jer je testiranje krvi prije davanja obavezno) i korištenjem tuđe igle koja sadrži ostatke zaražene krvi, prilikom intravenskog unosa droge. Male su vjerovatnoće da se to desi korištenjem tuđeg brijača ili četkice za zube, akupunkturom, pirsingom, tetoviranjem (jer se i na njima mogu nalaziti tragovi krvi).

Dakle, pošto već niste rođeni sa virusom, a niste ni narkoman(!?!), da ga unesete iglom, jedino čega treba stvarno da se čuvate je polni odnos bez korištenja prezervativa (kondoma, kurtona, gumice). I blizu 80% zaraženih su se zarazili upravo na ovaj način.

U znak podrške kampanji za zaštitu od ove opake bolesti, a ne povodom prvog decembra, svjetskog dana borbe protiv side. Jer se ova kampanja treba vršiti svih 365 dana u godini, a ne samo jedan dan, kao što se ni ženama ne treba poklanjati cvijeće samo osmog marta.

Od početka epidemije side 1981. godine, kada je prvi put opisana u SAD (kako je došlo do te epidemije, to znaju samo uski krugovi ljudi, i o tome u idućem broju, prim. ur.) u svijetu je HIV-om zaraženo preko 30 miliona ljudi, a dokumentovano je 8, 4 miliona slučajeva osoba oboljelih od side. HIV-om se svaki dan zarazi 16 000 ljudi.

HIV je virus stečenog nedostatka imuniteta i uzročnik side. Ponekad može proći i nekoliko godina dok HIV ne ošteti odbrambeni sistem u toj mjeri da osoba oboli od side. Tokom tih godina osoba zaražena hivom može izgledati dobro, osjećati se dobro, ne mora znati da je zaražena virusom, ali može zaraziti druge osobe.

Sida je sindrom stečenog nedostatka imuniteta i predstavlja skup više oboljenja koja napadaju osobe zaražene hivom.



Jedini način utvrđivanja da li je neko zaražen je putem hiv testa. On otkriva da li su u krvi prisutne specijalne supstance (antitijela) koje se proizvode kao reakcija na prisustvo virusa. Antitijela se počinju stvarati tek 3-8 nedelja nakon infekcije, tako da, ako prije isteka tog roka izvršite hiv test, on neće biti pouzdan.

Lijek protiv ovog virusa ne postoji (možda iz istog razloga zbog kojeg je i stvoren?!?), tako da su jedini pravi načini zaštite povjerenje među partnerima i korištenje prezervativa.

Osobe obaljele od side su poput svih bolesnih osoba. Treba im pružati ljubav, razumijevanje i podršku a ne odbacivati ih i osuđivati.